

Visoki predstavnik pozdravlja uspostavljanje Komisije za preuređenje Mostara i dostavlja osam principa za njen rad

Na inauguracionoj sjednici mostarske Komisije zadužene za izradu Statuta Grada Mostara, održanoj 22. aprila 2003. godine u zgradi Gradske uprave Mostara, Viši zamjenik Visokog predstavnika ambasador Enver Schrömbgens dostavio je članovima te Komisije poruku i pismo Visokog predstavnika Paddy Ashdowna. U tom je pismu Visoki predstavnik pozdravio uspostavljanje ove Komisije od strane gradskih vlasti, iskazao je svoju punu podršku njenom radu te je zaželio Komisiji uspjeh u radu na ovom značajnom i odgovornom zadatku.

Kako bi pomogao članovima Komisije u njihovom radu na izradi novoga Statuta Mostara, Visoki je predstavnik naznačio osam osnovnih principa kojima bi se oni trebali rukovoditi u svome radu. Ovime će se osigurati da iznađeno rješenje bude i funkcionalno i u skladu s Daytonskim sporazumom i evropskim standardima.

Ti su principi sljedeći:

1. Nema promjena postojećih granica Grada Mostara.
2. Uspostava jedinstvene i brojčano manje uprave Grada Mostara kojom će se okončati postojanje paralelenih struktura i osigurati efikasnost i integracija Grada Mostara.
3. Sastav Gradske uprave treba odražavati posljedni popis stanovništva.

4. Uspostava jedinstvenog bužeta za cijeli Grad Mostar.
5. Dovoljni prihodi koji će osigurati da Grad može ispunjavati svoje obaveze.
6. Upostava jedinstvene Skupštine i izbornog sistema kojim se obezbjeđuje:
 - i) *zastupljenost svih konstitutivnih naroda i Ostalih*
 - ii) *zastupljenost svih dijelova grada Mostara*
7. Osiguranje potpunog poštivanja principa odgovornosti zvaničnika.
8. Uspostava institucionalnog mehanizma kojim se štite vitalni interesi svih konstitutivnih naroda.

Sada je isključivo na članovima Komisije da rade odgovorno i transparentno kako bi se iznašlo rješenje koje će uzeti u obzir interese svih građana Mostara, kao i da obezbijede djelotvornost kako bi se doprinijelo ekonomskom razvoju Mostara. Takođe je naglašeno da bi Komisija trebala biti otvorena za inicijative i konstruktivne predloge javnosti, relevantnog civilnog društva te nevladinih organizacija koje djeluju u Mostaru. O budućnosti Mostara trebali bi odlučivati njegovi građani.